

Ժողովուրդ

155
(2821)

2 նոյեմբերի հինգշաբթի 2023
տպագրության ԺԲ տարի

Ք. Երևան, Արվյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԿԱՐԵՎՈՐԸ ՆԵՐԿԱՅԱՑՈՒՑՉԱԿԱՆ ԾԱԽՍԵՐՆ ԵՆ



2024թ. պետական բյուջեի նախագծով 33 նախագահ Կահագն խաչատուրյանի աշխատակազմին նախատեսվում է հատկացնել 1 մլրդ 771 մլն 633 հազար դրամ: Այս մասին երեկ Ազգային ժողովում 2024թ. պետական բյուջեի նախագծի քննարկման ժամանակ հայտարարեց 33 նախագահի աշխատակազմի ղեկավարի տեղակալ Խաչատուր Պողոսյանը: Նա նաեւ հավելեց, որ հատկացվող բյուջեի 82 մլն դրամը նախատեսվում է աշխատակազմի համար Նոր ցանցային սարքավորումների և հեռահաղորդակցության համակարգերի ձեռքբերման համար, իսկ մյուս մասը կծախսվի նախագահի ներկայացուցչական ծախսերի վրա: Հիշեցնենք, որ 2022 թվականի բյուջեի քննարկմանը «Հանրապետության նախագահի լիազորությունների իրականացման ապահովում» ծրագրով տարեկան պլանը հաստատված էր 1 մլրդ 602 մլն 527 հազար դրամ: Նախորդ տարի «Հանրապետության նախագահի գործունեություն և ներկայացուցչականության ապահովում» միջոցառման տարեկան պլանը հաստատված է եղել 1 մլրդ 598 մլն 700 հազար դրամ: «Հանրապետության նախագահի աշխատակազմի տեխնիկական հագեցվածության բարելավում» միջոցառման տարեկան պլանը հաստատված է եղել 3 մլն 760 հազար, 2022 թվականի առաջին կիսամյակի ընթացքում, Կառավարության որոշմամբ, այն ավելացվեց 20 մլն դրամով: Ստացվում է, որ 2024 թվականի բյուջեի քննարկման ընթացքում նախագահի աշխատակազմի տեխնիկական հագեցվածության բարելավմանն ուղղված ֆինանսական միջոցներն ավելացվել են 82 միլիոնով: Ֆինանսական բյուջեն ավելացնում են, սակայն նախագահի գործունեությունը չի ավելանում: Ներկայացուցչական ծախսեր կատարել սիրող իշխանությունների որոշումները ստորագրող նախագահը իրեն հատկացված ֆինանսական միջոցներն ուղղում է միայն իր արտագնա այցերին: Օրինակ՝ մեր նախագահը շատ է սիրում այցելել իր ընկերներին արտասահման կամ հայտնի անձանց հոգեհանգստի արարողություններին, ինչպես, օրինակ, Անգլիայի թագուհի Եղիսաբեթ II-ի հոգեհանգստը: Ստացվում է, որ նախագահ Խաչատուրյանը և նրա աշխատակազմը տեղյակ են միայն ֆինանսներ ստանալուց և ծախսելուց, իսկ երկրում տիրող իրավիճակից նախագահը կամ տեղյակ չէ, կամ էլ շուտով կտեղեկանա մամուլից, և հուսով ենք՝ գոնե կմիջանդի կամ մի հայտարարությամբ հանդես կգա:

Ազգային ժողովի աշխատակազմի ղեկավար-գլխավոր քարտուղար Դավիթ Առաքելյանը պաշտոնի նշանակվել է 2023 թվականի փետրվարի 3-ին՝ Ալեն Սիմոնյանի որոշմամբ: Մինչ այս պաշտոնին նշանակվելը Առաքելյանը եղել է ԱԺ նախագահի օգնականը: Հայտարարագրում պաշտոնատար անձի պաշտոնը նշված է որպես օգնական, սակայն նա ԱԺ նախագահի օգնական եղել է 2022 թվականին: Մեզ չհաջողվեց Դավիթ Առաքելյանի կենսագրության մասին որեւէ տվյալ գտնել, այդ պատճառով էլ այլ մանրամասներ չենք ներկայացնում, սակայն Կոռուպցիայի կանխարգելման հանձնաժողովի կայքից տեղեկանում ենք, որ Դավիթ Առաքելյանը սեփական անշարժ գույք չունի և բնակվում է այլ անձին սեփականությամբ պատկանող բնակարանում, որը 90 օրից ավելի շահագործվում է իր կողմից: Առաքելյանը 2021 թվականին նվիրատվություն է ստացել 2016 թվականի արտադրության, Toyota մակնիշի մեքենա: 2022 թվականի հաշվետու տարվա վերջին նրա բանկային հաշիվների մասնորոնները կզամել են 175 հազար դրամ, կանխիկ դրամական միջոցները կզամել են 29 հազար դրամ, 8 մլն 500 հազար դրամ, 7 հազար եվրո և 180 հազար ռուբլի: Թվում է, թե ամեն ինչ կարգին է, որ բոլորն էլ կարող են այսքան մեծ քանակի կանխիկ գումարներ ունենալ, սակայն ուշագրավն այն է, որ Առաքելյանի տարեկան եկամուտները կզամում են 9 մլն 383 հազար դրամ, իսկ նրա կանխիկ դրամական միջոցները 2,5 անգամ ավել են՝ գրեթե 23 մլն դրամ: Կարելի է վարչապետ Նիկոլ Փաշինյանին ասել, որ «պոզով-պոզով կոռուպցիան» հենց իր կողքին է, քանի որ Առաքելյանը հայտարարագրում բաց է թափանցիկ չի նշել ունեցած ֆինանսական միջոցների աղբյուրները: Դավիթ Առաքելյանի եկամուտների 8 մլն 487 հազար դրամը աշխատանքի վարձատրություն է 33 Ազգային ժողովի աշխատակազմից, իսկ 895 հազար դրամ ստացել է 33 նախագահի աշխատակազմից:



Այսօր հայտնի դարձավ, որ Երևանի մի շարք վարչական շրջանների ղեկավարներ, այդ թվում՝ Կենտրոն վարչական շրջանի ղեկավար Սամվել Ղուկասյանը վերանշանակվել են իրենց պաշտոններում: «Ժողովուրդ» օրաթերթն ավելի վաղ գրել էր, որ ԶԹ-ում որոշում կա Երևան վարչական շրջանի ղեկավարի պաշտոնում նշանակել ավագանու՝ իր սկանդալային հայտարարություններով հայտնի անդամ Նուարդ Վարդանյանին, որը նշանակվել է ավագանու ԶԹ խմբակցության քարտուղար: Իշխանական մեր աղբյուրների փոխանցմամբ՝ ԶԹ-ում թե՛ քննարկումներից հետո այդ որոշումը փոխվել է: Այսպիսով, նախապես ԶԹ-ում որոշված է եղել, որ Կենտրոն վարչական շրջանի ղեկավար Սամվել Ղուկասյանը, որը Տիգրան Ավինյանի մտերիմ ընկերն է, ամբողջությամբ տապալել է իր ոլորտը և պետք է ազատվի այդ պաշտոնից: Նույնիսկ որոշվել էր, որ Սամվել Ղուկասյանը կնշանակվի քաղաքապետի խորհրդակցական կամ ԲՏԱ նախարարությունում պաշտոնի: Օրեր հետո իրավիճակ փոխվեց: Հիշեցնենք, որ Սամվել Ղուկասյանը Տիգրան Ավինյանի մտերիմ ընկերն է, նրան մեկ տարի առաջ ԱՄՆ-ից կանչել են, որ աշխատանք տան: Անգամ նիստերից մեկում Նիկոլ Փաշինյանն իր նախնական համաձայնությունը տվել էր, որ Սամվել Ղուկասյանին պաշտոնանկ անելուց հետո այդ պաշտոնում նշանակվի Նուարդ Վարդանյանը: Պարզվում է, որ Նուարդ Վարդանյանի՝ Երևանի վարչական շրջանի ղեկավարի պաշտոնում չնշանակվելու որոշման մեջ կարևոր դեր են ունեցել նաև «Ժողովուրդ» օրաթերթի հրապարակումները, որտեղ մենք անընդհատ հիշեցնում էինք Նուարդ Վարդանյանի այդ սկանդալային հայտարարությունները, կենսագրական կոռուպցիոն տարրեր պարունակող տվյալները, որի արդյունքում ի վերջո որոշումը փոխվեց:



«Ժողովուրդ» օրաթերթը շարունակում է Ադրբեջանի սանձազերծած ագրեսիայի հետևանքով Արցախից բռնի տեղահանված պատգամավորներից հետաքրքրվել՝ ինչու Արցախի բռնի զավթումից հետո 33-ում Արցախի Ազգային ժողովի արտահերթ նիստ չեն հրավիրում և ինքնորոշման հարց բարձրացնում: «Ազատ հայրենիք-ԶԹ» խմբակցության պատգամավոր Արամ Հարությունյանը, մեր այս հարցին ի պատասխան, ասաց, որ դեռ փակ քննարկումներ են ունենում միայն: «Արտահերթ նիստ հրավիրելու նախաձեռնությամբ պետք է հանդես գան կամ պատգամավորները, կամ ԱԺ ղեկավարությունը, բայց այս պահին դեռ փակ քննարկումներ են տեղի ունենում Արցախի և Հայաստանի շուրջ ստեղծված իրավիճակի մասով: Չատ հարցեր դեռ ոչ հրապարակային են քննարկվում», - ասաց նա: Ըստ պատգամավորի՝ այս իրավիճակում հրապարակային շատ բան ասել չեն կարող: «Ժամանակը կգա, կխոսենք, հիմա շատ բան չենք կարող դեռ խոսել: Եթե հրապարակային լինեք, կխոսենք»: Նկատենք, որ Արցախի բոլոր պատգամավորները միաբերան ասում են, որ հիմա դեռ փակ քննարկումների մեջ են: Տպավորություն է, որ նրանք ինչ-որ բանի են սպասում և առաջիկայում հստակ քայլեր նախաձեռնելու մտադրություն չունեն:



ԶՐՈՒՅՑ

Ե՞ՐԲ ԿՎԵՐԱՆԱ ԸՆՏՐՈՎԻ ԱՐԴԱՐԱԴԱՏՈՒԹՅՈՒՆԸ

Ներքին գործերի նախարար Վահե Ղազարյանը «Ժողովուրդ» օրաթերթի հետ զրույցում անդրադարձել է ոստիկանների գործողություններին: Խոսքը հասկառու բողոքի ակցիաների մասին է, երբ նշվում է, որ ոստիկանները հաճախ անհամաչափ ուժ են կիրառում:

Ղազարյանը կարծում է, որ ոստիկանները միջամտում են միայն այն ժամանակ, երբ ակցիայի մասնակիցներն են հրահրում:

-Արդար է, երբ պատգամավորին ծեծում են, բռնություն են կիրառում, իսկ հայրիկը ընդամենը վեճի էր բռնվել, նրա նկատմամբ գործ հարուցվեց:

-Հիմա քրեական վարույթ է ընթանում, ես այդ հարցին ինչպե՞ս կարող եմ պատասխանել:

-Պարոն Ղազարյան, ընտրովի արդարադատություն է տեղի ունենում, դրա համար են պարբերաբար Ներքին գործերի նախարարությանը մեղադրում ասելով, որ զինվորի հայրը հայիոյեց պատգամավորին, միանգամից բռնեցին, կալանավորեցին:

-Եռաբլուրի դեպքով կա քրեական վարույթ: Ծիջտ կլինի, որ այդ հարցն ուղղեք Քննչական կոմիտեին:

-Ըստ Ձեզ՝ որպես Ներքին գործերի նախարարի, ե՞րբ պիտի վերջ դրվի այս ընտրովի արդարադատությանը:

-Ես ցավում եմ, որ այդ միջադեպը եղավ, որպես մարդ ես իրապես ցավում եմ:

-Վերջ կլինի՞ այս ընտրովի արդարադատությանը, պարոն Ղազարյան: Վստահ լինե՞նք, որ մեր իրավապահ համակարգն այլևս ՔՊ-ականներին չի ծառայի եւ ամեն ինչ կանի օբյեկտիվ եւ արդար:

-Դուք տեսե՞լ եք նման բան մեզին: Օրինակ՝ հանրահավաքների կամ բողոքի ակցիաների ժամանակ եթե կազմակերպիչները չեն հրահրում, ոստիկանները չեն գնում որեւէ քայլի: Տեսել եք, չէ՞, թե ինչպես էին քարեր շարտում կառավարության շենքի ուղղությամբ, ինչպես էին ավտոպահեստամասեր շարտում, 22եր շարտում:



-Հնձ դուր չի գալիս, որ Դուք այդ թեման անընդհատ խմորում եք:

-Պարոն Ղազարյան, մեզ համար զուլա՞ծ տղաների ծնողներն են, ախր:

-Մի բան ասեմ. ես՝ որպես հայ, որպես ծնող, կարող եմ ասել, որ իմ տղան էլ է գնացել այնտեղ, չգիտեմ ինչքանով եք դուք տեղյակ:

-Տեղյակ չե՞նք, պարոն Ղազարյան, սակայն շնորհակալ ենք նաեւ իրեն մեր այսօրվա կյանքի համար, բայց հարցը այլ է, պարոն Ղազարյան: Ծնողներին ձեռք ու ոտքից բռնած տանեն ու ոչ մի բան:

-Կա քրեական վարույթ, օրինակ՝ Պոդոս Պողոսյանին կճանաչեն մեղավոր, պատիժ կստանա:

Զրույցը ՔՆԱՐ ՄԱՆՈՒԿՅԱՆԸ

ԻՇԽԱՆՈՒԹՅՈՒՆ

ՆԱԽԱԳԱՀԱԿԱՆԸ՝ ԿՈՎԱԽՆՉՈ՞Ր

«Ժողովուրդ» օրաթերթը գրել էր, որ արդեն տեսական ժամանակ է՝ Նիկոլ Փաշինյանը տեղափոխվել է Նախագահական նստավայր՝ Բաղրամյան 26, եւ զբաղեցրել նախագահի աշխատասենյակը, քանի որ կառավարության շենքում հերթական վերանորոգումն է իրականացվում:

Գրել էինք նաեւ, որ վերանորոգումը սկսվել է դեռեւս 2023 թվականի մայիսի 8-ին եւ պիտի ավարտվեր սեպտեմբերի 5-ին, սակայն, մեր տեղեկություններով, չնայած արդեն նոյեմբեր ամիսն է, բայց Փաշինյանը շարունակում է դեռ մնալ Բաղրամյան 26-ում: Տեղեկացանք՝ պատճառն այն է, որ Նիկոլ Փաշինյանն իրեն ավելի հարմարավետ ու պաշտպանված է զգում նախագահականում, քան իր նստավայրում, դրա համար էլ ձգձգվում է նրա տեղափոխությունը:

Ինչպես գիտենք, կառավարության շենքի դիմաց գրեթե ամեն օր բողոքի ակցիաներ են տեղի ունենում, թե՛ ընդդիմադիրները, թե՛ տեղահանված արցախցիները, թե՛ այս իշխանություններից դժգոհ քաղաքացիները սովորաբար իրենց ակցիան իրականացնում են այնտեղ: Սա է պատճառը, որ Նիկոլ Փաշինյանը չի ցանկանում տեղափոխվել կառավարություն՝ իր աշխատասենյակ:

Այս ամենից, սակայն, դժգոհ է Վահագն Խաչատրյանը, որը չի կարողանում իր աշխատասենյակ վերադառնալ ու ստիպ-



ված այլ աշխատասենյակում է նստում այս ընթացքում:

ՀԵՐԹԱԿԱՆ ՆԻՍՅԸ

Ստո մեկամսյա դադարից հետո «Քաղաքացիական պայմանագիր» կուսակցությունը վերջին օրերին հաճախակի վարչության նիստեր է անում:

Նախ նիստ էին արել երկուշաբթի օրը, վարչության որոշմամբ՝ «Քաղաքացիական պայմանագիր» կուսակցության երիտասարդական կառույցի խորհրդի նախագահ էր նշանակվել Գոհար Սաֆար-

յանը, իսկ քարտուղար՝ Պապին Բաղդասարյանը:

Երեկ նույնպես Քաղաքացիական պայմանագիրը նիստ էր արել. ըստ պաշտոնական հաղորդագրության՝ Եղեգնաձորի տարածքային կազմակերպության խորհրդի նախագահի պաշտոնում հաստատվել էր Մուշեղ Ներսիսյանի թեկնածությունը:

«Ժողովուրդ» օրաթերթը տեղեկացավ, որ վարչության նիստերը երկար չեն տևել, եւ քննարկվել են բացառապես ներկուսակցական հարցեր:

Տեղեկացանք նաեւ, որ Արցախից բռնի տեղահանվածների խնդիրները կամ անվտանգային այլ հարցեր եւս չեն քննարկվել:

ՔՐԻՍՏԻՆԱ ՄՈՒՇԵԴՅԱՆ



ՈՐՈՇՈՒՄ Է ԿԱՅԱՑՐԵԼ

ՀՀ վերաքննիչ քրեական դատարանը Երեւանի նախկին քաղաքապետ Ալբերտ Բազեյանի մասով որոշում է կայացրել եւ մերժել նրա պաշտպանի բողոքը: Արդյունքում Բազեյանը կշարունակի մնալ կալանքի տակ: Ինչպես հայտնի է, սեպտեմբերի 29-ին Ալբերտ Բազեյանը կալանավորվեց 2 ամսով, եւ նրա կալանքի հարցով բողոք էր ուղարկվել ՀՀ վերաքննիչ դատարան, դատավոր Ռուբիկ Մխիթարյանը մերժել է նրա խափանման միջոցը փոխելու՝ պաշտպանների միջնորդությունը: Նշենք, որ Մխիթարյանը այն դատավորն է, որին Կարեն Անդրեասյանը կարգել է որպես ՀՀ վերաքննիչ դատարանում «իր աչք ու ականջներ»: Հավելենք, որ, ըստ ԱԱԾ-ի, «Խաչակիրներ» ռազամահայրենասիրական ՀԿ անդամները, ինչպես նաեւ Ալբերտ Բազեյանը եւ այլ անձինք, ունենալով հակաիշխանական հայացքներ, ՀՀ կառավարության անդամների եւ դեկավարի նկատմամբ գաղափարական թշնամանք, նախնական համաձայնության գալով միմյանց հետ, պայմանավորվածություններ են ձեռք բերել իրենց մոտ պահվող զենք-զինամթերքը որպես հանցագործության գործիք օգտագործելու միջոցով կյանքի կամ առողջության համար վտանգավոր բռնություն գործադրելու եղանակով եւ դրա սպառնալիքով զավթելու իշխանությունը, մասնավորապես՝ Սահմանադրությամբ չնախատեսված այլ եղանակով տիրանալու Հայաստանի Հանրապետության կառավարության լիազորություններին: Հանցավոր խմբի անդամները ձեռք են բերել հեռահաղորդակցության սարքեր, հեռախոսային ու այլ կապը խլացնող սարքեր, հանցանքի կատարումը հեշտացնող միջոցներ եւ գործիքներ, ինչպես նաեւ դիտավորությամբ ստեղծել են այլ պայմաններ՝ այրելիք նախապատրաստվելով կատարել նախնական համաձայնությամբ, խմբի կազմում իշխանության յուրացում, սակայն իրենց կամքից անկախ հանգամանքներով չեն կարողացել սկսել իրենց դիտավորության մեջ ընդգրկված հանցանքի օբյեկտիվ կողմի կատարումը, նախապատրաստվող առանձնապես ծանր հանցագործությունը բացահայտվել եւ խափանվել է Հայաստանի Հանրապետության ազգային անվտանգության ծառայության աշխատակիցների կողմից:

ՉԵՆ ՀԱՆՐԱՅՆԱՑՆՈՒՄ

ՔՊ-ական պատգամավորները շարունակում են պետությունից հաշվին գործուղումների մեկնել:

«Ժողովուրդ» օրաթերթը ԱԺ-ից տեղեկացավ, որ նոյեմբերի 8-11-ը Բյուրսել կգործուղվեն Ազգային ժողովի «Քաղաքացիական պայմանագիր» խմբակցության ղեկավար Հայկ Կոնջորյանը, պատգամավորներ Արման Եղոյանը եւ Սոնա Ղազարյանը:

Թե ինչ օրակարգով են ՔՊ-ականները մեկնում Բյուրսել, հայտնի չէ. ԱԺ նախագահի համապատասխան որոշման մեջ ոչինչ նշված չէ այդ մասին:

Նկատենք, որ նախկինում մշտապես որոշման մեջ հստակեցված է եղել, թե ինչ օրակարգով են գործուղումների մեկնում պատգամավորները եւ ինչ հանդիպումներ են ունենալու, բայց վերջերս բաց ու թափանցիկ կառավարության մասին օրոգիչներ խոսող ՔՊ-ականները անգամ հարկ չեն համարում իրենց գործուղումների օրակարգը հանրայնացնել:

ԻՐԱՎԻՃԱԿ

ԳՐԱՌՈՒՄ

ՎԵՐԱՆԱՏՏԱՏԵՑ ԻՐԱՎՈՒՆՔՆԵՐԻ ՊԱՇՏՊԱՆՈՒԹՅՈՒՆԸ

ՆՈՐ

ԳՐԱՍԵՆՅԱԿ ԵՂԵԳՆԱՉՈՐՈՒՄ

ՀՀ-ում ԵՄ դիտորդական առաքելությունը Եղեգևաձորում բացել է իր գլխամասային գրասենյակը: Առաքելության ղեկավար Մարկուս Ռիտերը հայտարարել է, որ տարածաշրջանն արժանի է տեւական խաղաղության եւ կայունության, հույս հայտնել, որ միասին կկարողանան նպաստել այդ նպատակի իրականացմանը:

Մարկուս Ռիտերն ընդգծել է, որ առաքելության գործունեության 8 ամիսների ընթացքում դրան միացել է Եվրամիության 23 երկիր՝ գործուղելով 93 դիտորդի: Գրասենյակի բացման արարողության ընթացքում դիտորդական առաքելության ղեկավարը հայտնել է, որ այս պահին իրենք կարողանում են դիտորդություն իրականացնել Հայաստան-Ադրբեջան սահմանի երկայնքով:

«Սահմանային իրավիճակը շատ հանգիստ է, մեր դիտորդները, որոնք ամեն օր շրջում են, չեն արձանագրել լարվածության աճ: Այնպես է, որ հանգիստ շրջան է: Մենք ունենք վեց գրասենյակ ՀՀ-ում, մեր դիտորդները շրջում են ոչ միայն սահմանային գոտում, այլև դրան մոտ գտնվող համայնքներում ու բնակավայրերում, որոնք հակամարտության ազդեցությունն իրենց վրա են զգում: Կարող եմ ասել, որ դիտորդների 1/3-ը գնում է սահման, իսկ 2/3-ը՝ համայնքներ: Դիտորդական առաքելության մանդատի ընդլայնման եւ դիտորդների թվի մեծացման հարցը պետք է քննարկվի Բրյուսելում այս տարեվերջին. մենք սպասում են արդյունքների»,- ասել է ՀՀ-ում ԵՄ դիտորդական առաքելության ղեկավար Մարկուս Ռիտերը:

ԽԱՂԱՊՈՒԹՅՈՒՆԸ՝ ՀԻՄՆԱՆՊԱՏԱԿ

«Հարավային Կովկասում կայուն խաղաղության հաստատումը Եվրամիության հիմնական նպատակներից մեկն է»,- հայտարարեց Հայաստանում Եվրոպական Միության պատվիրակության ղեկավար Վասիլիս Մարագոսը:

«Հոկտեմբերի սկզբին Գրանադայում տեղի ունեցած Եվրոպական քաղաքական համայնքի գագաթնաժողովի շրջանակներում Եվրամիությունը կրկին դատապարտել է Լեռնային Ղարաբաղի հայերի դեմ Ադրբեջանի ռազմական գործողությունը եւ ընդգծել է Հայաստանի եւ Ադրբեջանի ինքնիշխանության ու տարածքային ամբողջականության նկատմամբ հարգանքի անհրաժեշտությունը: Մենք շարունակում ենք նվիրված լինել այս ջանքերին: Մեր անմիջական ուշադրության կենտրոնում են Լեռնային Ղարաբաղի ավելի քան 100 հազար բնակիչների մարդասիրական կարիքները, որոնք ապաստան են գտել Հայաստանում»,- ասաց նա:

Դեսպանը հավելեց, որ ԵՄ-ն եւ Հայաստանը վճռական են ամրապնդելու իրենց կապերը՝ աշխատելով Համապարփակ եւ ընդլայնված գործընկերության համաձայնագրի եւ ԵՄ տնտեսական եւ ներդրումային պլանի ամբողջ ներուժը բացահայտելու ուղղությամբ:

Աժ մարդու իրավունքների դաշտանության եւ հանրային հարցերի մեծական հանձնաժողովի՝ աղօթինաբար լիազորությունները դադարեցված նախագահ, անկուսակցական դաշտամար Թագուհի Թովմասյանը ֆեյսբուքյան իր էջում գրում է. «Եվրոպական արժանի գործողությունների ծառայության բաժնի ղեկավար Գորոսա Գրուչի-Մուլիզան, շնորհակալություն հայտնելով արցախահայության հումանիտար վիճակի, Արցախի եւ Հայաստանի ստանդարտը անվստահության մարտավերների մասին ահազանգող մամուլներին, վերահաստատել է Եվրոպական Միության աջակցությունն արցախահայերի իրավունքների դաշտանությանը եւ Հայաստանի անվստահությանը: Նա, մասնավորապես, գրել է. «...Եվրամիությունն ուսադրությամբ հետևում է արձագանքում է սարածաշրջանում ընթացող զարգացումներին: ԵՄ-ն ամենաբարձր մակարդակով ներգրավված է՝ օգնելու մեղմել խաղաղ բնակչության վրա ներգործող հումանիտար ազդեցությունը եւ խուսափել իրավիճակի հետագա վաթարացումից:

Եվրամիությունը դատապարտում է սեպտեմբերի 19-ին եւ 20-ին Ադրբեջանի կողմից Լեռնային Ղարաբաղի հայ բնակչության դեմ իրականացված ռազմական գործողությունը, որը պատճառ դարձավ ավելի քան 100500 փախստականների՝ դեպի Հայաստանի Հանրապետություն արտահոսքի: Մենք ցավում ենք այս էսկալացիայի հետեւանքով կրած զոհերի եւ մարդկային կորուստների համար:

Եվրամիությունը կոչ է անում Ադրբեջանին ապահովել արցախահայերի իրավունքներն ու անվտանգությունը, այդ թվում՝ տեղահանվածների համար իրենց տներ վերադառնալու իրավունքը: Ղարաբաղի հայերի մշակութային ժառանգու-



թյունն ու սեփականության իրավունքները պետք է պաշտպանվեն:

Հաշվի առնելով տարածաշրջանում հրատապ հումանիտար կարիքները՝ Եվրամիությունը եւ անդամ երկրները մարդասիրական օգնություն են մոբիլիզացրել Հայաստանում գտնվող տեղահանվածների համար: ՀՀ կառավարության խնդրանքով՝ ԵՄ-ն ակտիվացրել է քաղաքացիական պաշտպանության իր մեխանիզմը: Հոկտեմբերի 5-ին նախագահ Ֆոն դեր Լեյենը հայտարարեց 10,45 միլիոն եվրո արժողությամբ հավելյալ մարդասիրական օգնության փաթեթի մասին: Ավելին՝ հանձնաժողովը հայտնեց Հայաստանին 15 միլիոն եվրո բյուջետային աջակցության մասին՝ սոցիալ-տնտեսական կարիքները հոգալու եւ մնդամթերքի ու վառելիքի ձեռք բերմանն աջակցելու համար: Հայաստանն օգուտներ կստանա նաեւ «ԵՄ-ն հանուն խաղաղության» ծրագրից,



որը համարվելու է լրացուցիչ 800,000 եվրոյով:

Եվրամիության արտաքին գործերի նախարարները մտադիր են քննարկել Հայաստանի անվտանգությանն ու տոկունությանը, ինչպես նաեւ ժողովրդավարական ինստիտուտների կայունությանն աջակցելուն ուղղված հետագա գործողությունները: Միեւնույն ժամանակ, Հայաստանում Եվրոպական Միության առաքելությունը շարունակում է վերահսկել անվտանգային իրավիճակն Ադրբեջանի հետ միջազգային սահմանի հայկական կողմում:

ԵՄ-ն հավատարիմ է մնում Հայաստանի եւ Ադրբեջանի միջեւ բանակցությունների անհապաղ վերսկսմանն աջակցելուն՝ խաղաղության պայմանագրի կնքման հեռանկարով: Այդ նպատակով մենք սերտ կապի մեջ ենք Բաքվի եւ Երեւանի համապատասխան մարմինների հետ»,- նշել է Եվրոպական արտաքին գործողությունների ծառայության բաժնի ղեկավարը:

ՕՐՎԱ ԽՃԱՆԿԱՐ

ԽՈՍՆԱԿԸ՝ ԱՐՁԱԿՈՒՐԳՈՒՄ

Վարչապետի խոսնակ Նազելի Բաղդասարյանն արձակուրդում է:

«Ժողովուրդ» օրաթերթը Կառավարությունից տեղեկացավ, որ, Նիկոլ Փաշինյանի որոշմամբ, Նազելի Բաղդասարյանը 10 աշխատանքային օր տեւողությամբ արձակուրդ է մեկնել՝ հոկտեմբերի 24-ից մինչեւ նոյեմբերի 6-ը ներառյալ:

ՆԵՐԿԱ ՉԻ ԵՂԵԼ

Աժ-ում երեկ շարունակվում էին «Բյուջե-2024» նախագծի քննարկումները:

«Ժողովուրդ» օրաթերթի թղթակիցը հայտնում է, որ վարչապետի աշխատակազմի ղեկավար Արայիկ Հարությունյանը ներկա չի եղել նախագծի քննարկումներին:

ՆՇԱՆԱԿՎԵՑ ՏՆՕՐԵՆ

«Իզմիրյան» ԲԿ ՓԲԸ միակ բաժնետեր Հայաստանայաց Առաքելական Սուրբ Եկեղեցու որոշմամբ՝ 2023թ. նոյեմբերի 1-ից «Իզմիրյան» ԲԿ ՓԲԸ տնօրենի պաշտոնը կրկին ստանձնել է պրոֆեսոր, բ.գ.դ. Արմեն Գերասիմի Չարջյանը. հայտնում է բուժկենտրոնի մամուլի ծառայությունը:

Հիշեցնենք՝ Արմեն Չարջյանը հոկտեմբերի 23-ին վայր էր դրել պատգամավորական լիազորությունները:

ՊՐԻԳՈԺԻՆԻ ՈՐԳԻՆ ՈՒ «ՎԱԳՆԵՐԸ»

Սանկտ Պետերբուրգի գործարար Եվգենի Պրիգոժինի որդին՝ Պավել Պրիգոժինը, ռուսական գվարդիայի կազմում դարձել է «Վագներ» մասնավոր ռազմական ընկերության (PMC) ղեկավար: Այս մասին 59.ru պորտալին հայտնել է Պերմի մարզում կազմակերպության ներկայացուցիչը:

Ինչպես հայտնի է դարձել պարբերականին, վագներցիներն այժմ ռուսական գվարդիայի մաս են կազմում եւ նրա ստորաբաժանումն են:

Նա նշել է, որ կրկին սկսել են կամավորներ հավաքագրվել «Վագների» կազմում: Ըստ կազմակերպության ներկայացուցչի՝ կա մեկ տարբերություն: «Մենք տանում ենք միայն քաղաքացիական անձանց, ոչ թե ազատագրված վայրերից»,- նշել է 59.ru-ի գրուցակիցը:

Որոշ Telegram ալիքներ տեղեկատվություն են տարածել, որ պայմանագրեր կկնքվեն բոլորի հետ, որոնք ցանկանում են դառնալ «Վագներ»-ի անդամ: Նրանք պատրաստ են պայմանագրեր ստորագ-

րել 20-ից 55 տարեկան քաղաքացիների հետ:

ԿԱՅՑԵԼԻ ՀԱՅԱՏԱՆ

Գերմանիայի արտաքին գործերի նախարար Անալենա Բերբոքը նոյեմբերի 3-ին կայցելի Հայաստան, որից հետո կմեկնի Ադրբեջան: Այս մասին Բեռլինում լրագրողներին հայտնել է Գերմանիայի ԱԳՆ ներկայացուցիչը:

«Նախարարը ուրբաթ առավոտյան կմեկնի Հայաստան եւ Ադրբեջան: Նախ նա կժամանի Երեւան, որտեղ կհանդիպի իր գործընկեր (խմբ.՝ Արարատ) Միրզոյանի հետ»,- Գերմանիայի ԱԳՆ խոսնակի խոսքերն է մեջբերում «SUSU»-ը:

Ըստ հրապարակման՝ Բերբոքը նախատեսում է նաեւ այցելել Հայաստանում Լեռնային Ղարաբաղի փախստականների տեղավորման կենտրոն: Նոյեմբերի 4-ին նա կուղևորվի Բաքու, որտեղ նախատեսված են բանակցություններ Ադրբեջանի ԱԳՆ ղեկավար Ջեյհուն Բայրամովի հետ, ինչպես նաեւ հանդիպում քաղաքացիական հասարակության ներկայացուցիչների հետ:

«Գերմանիայի Ղաշնային Հանրապետությունը հանդես է գալիս տարածաշրջանում կայուն խաղաղության, քաղաքական եւ տնտեսական դիվերսիֆիկացիայի օգտին», - ասել է Գերմանիայի արտաքին գործերի նախարարության ներկայացուցիչը:

ՊԱՏԱՍԽԱՆԵՑ

ՔՅԱՐԱՄՅԱՆԸ Ո՛Չ ՂԵՐՔԵՑ, Ո՛Չ ՂԱՍՏԱՏԵՑ

«Հայաստանում եթե երբևէ եղել է ընտրողի արդարադատություն, ապա դա վաղուց դատություն է»,- նույնիմաստ 1-ին ԱԺ-ի բազմաթիվ լրագրողների հետ զրույցում ասաց ՔԿ նախագահ Արգիշի Բյարամյանը՝ դատաստանելով «Ժողովուրդ» օրաթերթի լրագրողի հարցին:

«Եթե կան կոնկրետ, ուղիղ դեպքեր, որոնք Ձեզ հետաքրքրում են, ընդ որում եթե ես ճիշտ հասկացա, Ձեր վկայականը դեպքերի մի մասը դեռևս քննության փուլում են, մի մասով չեմ բացառում, որ քննությունն ավարտվել է»,- ասաց ՔԿ նախագահը:

ՔՊ-ական Արթուր Յովհաննիսյանի հրապարակային արած «ականջը կկտրեն», «լեզուդ կկտրեն» արտահայտություններին եւ հարցին՝ արդյոք դրանք քրեորեն պատժելի չեն, Բյարամյանը խուսափեց պատասխանելուց. «Կոնկրետ դեպքի չեմ ուզում անդրադառնալ: Ես հաստատ կաշկանդված չեմ: Ես կխնդրեմ, որ կոնկրետ հարցում ուղարկեք, վստահեցնում եմ մանրամասն կներկայացնենք: Քրեական դատավարության օրենսգրքով պետք է լինի հանցագործության հարդորում, որը կարող են տալ: Կարծում եմ՝ ես բոլոր գործերին տիրապետում եմ. բացարձակ տեղեկացված չեմ այդ գործի մասին: Կգնամ, կճշտեմ, կասեմ»:

Անդրադառնալով վարչապետ Նիկոլ Փաշինյանի կողմից ընդդիմության հասցեին արված հայտարարություններին, օրինակ՝ այն, որ ընդդիմությանը կուղարկի Բաքու, «Կարդա՞լ» ՔԿՅ եւ այլն, եւ հարցին՝ արդյոք ՔԿ-ն ուսումնասիրել է այդ հայտարարությունը, Բյարամյանն ասաց. «ՔԿ-ն հայտարարություններ ուսումնասիրելու լիազորություն չունի: Մենք նախաքննական մարմին ենք, իրականացնում ենք բացառապես նախաքննություններ»:

Հարցին՝ ԱԶ Ան նախկին քարտուղար Սամվել Բաբայանը, ԱԶ նախագահ Սամվել Շահրամանյանը հրավիրվել են արդյոք ՔԿ հարցաքննության, Բյարամյանը ոչ հերքեց, ոչ հաստատեց. «Այդ հարցին չեմ պատասխանի, որովհետեւ կան վարույթներ, որոնցով նախաքննությունը հրապարակման ենթարկման չէ»:



Անդրադառնալով ՔԿ-ում նախաձեռնված՝ Արցախում տեղի ունեցած ռազմական հանցագործությունների առնչությամբ նախաձեռնված վարույթներին՝ Բյարամյանն ասաց. «Խուսքը վերաբերում է բացառապես էթնիկ գտման համատեքստում հարուցված քրեական գործին, որովհետեւ ՔԿ-ն Լեռնային Ղարաբաղում տեղի ունեցածի վերաբերյալ քննություն իրականացնելու իրավասություն չունի: Կան միջազգային մարդասիրական իրավունքի խախտումներ, օրինակ՝ ագրեսիվ պատերազմ, պատերազմական հանցագործություններ, մարդկության դեմ ուղղված հանցագործություններ, այդ թվում՝ էթնիկ զտումը, որը ցեղասպանության հանցակազմի տարր է, որը մեր ազգի հետ տեղի ունեցավ, դրա վերաբերյալ կա հարուցված քրեական վարույթ: Դա վերաբերում է ինչպես մինչեւ ռազմական գործողությունները տեղի ունեցած իրողություններին (խուսքը 2022-ի դեկտեմբերից Լաչինի միջանցքի ապօրինի արգելափակմանը եւ այդպիսի էթնիկ զտման համար նախադրյալներ ստեղծելու մասին է), այնպես էլ դրանից հետո ակնհայտ եղանք, որ

կարճ ժամանակահատվածում մեր ազգաբնակչության 100 հազար ներկայացուցիչներ լքեցին իրենց բնօրրանը՝ ստիպված լինելով, մահվան սպառնալիքի տակ»:

Անդրադառնալով Ադրբեյջանի կողմից գերեվարման դեպքերին՝ Բյարամյանն ասաց. «Քննություն պետք է անենք: Կան նաեւ ոչ բարձրաստիճան պաշտոնյաներ, որոնք գերեվարված են, եւ այդ անձանց գերությունը հաստատված է: Մենք ինտենսիվ զբաղվում ենք եւ՝ բարձրաստիճան պաշտոնյաների գերեվարման, խոշտանգման եւ ցանկացած հարցերով, որոնք վերաբերում են մարդկության դեմ ուղղված հանցակազմին»:

Դիտարկմանը, որ երբեք ՔԿ նախագահն այդպիսի ուժեղացված անվտանգություն չի ունեցել, ինչպես այժմ իրեն է, եւ հարցին՝ արդյոք իրեն սպառնում են, Բյարամյանն ասաց. «Ես չեմ հետեւել՝ նախկին նախագահները ինչ անվտանգություն են ունեցել, բայց այս հարցը ես չեմ որոշում: Ինձ բացարձակ չեն սպառնում»:

ՏԿՅԱԼՆԵՐ

ԿՈՌՈՒՊՑԻՈՆ ՂԱՆՑԱԳՈՐԾՈՒԹՅՈՒՆՆԵՐԻ ԹԻՎԸ

Հայաստանում այս տարվա 9 ամիսների ընթացքում արձանագրված կոռուպցիոն հանցագործությունների դեպքերի թիվը, նախորդ տարվա նույն ժամանակահատվածի համեմատ, ավելացել է 482-ով:

«Ժողովուրդ» օրաթերթի փոխանցմամբ՝ այս մասին ասաց Հակակոռուպցիոն կոմիտեի նախագահ Սասուն Խաչատրյանը ԱԺ մշտական հանձնաժողովների համատեղ նիստում 2024թ. պետական բյուջեի մասին օրենքի նախագծի նախնական քննարկումներում:

«Հայաստանի Հանրապետությունում 2023 թվականի 9 ամիսների ընթացքում արձանագրվել է կոռուպցիոն հանցագործությունների 1088 դեպք՝ նախորդ տարվա նույն ժամանակահատվածի 606 դեպքի դիմաց: Այսինքն՝ աճը կազմել է 482 դեպք կամ 79.5 տոկոս»,- ասաց Խաչատրյանը:

Հակակոռուպցիոն կոմիտեում, 9 ամիսների տվյալներով, քննվել է 1498 քրեական վարույթ՝ նախորդ տարվա նույն ժամանակահատվածի 861 վարույթի դիմաց: Այսինքն՝ վարույթում եղած գործերն ավելացել են 637-ով կամ 74 տոկոսով:

«Իրավական վիճակագրության հանրահայտ կանոնն է, որ հանցավորության վիճակը գնահատելիս կոռուպցիոն հանցագործությունների դեպքերի աճը պետք է դիտարկել որպես դրական երեւույթ: Այսինքն՝ տվյալ դեպքում մենք ունենք ոչ թե կոռուպցիոն դեպքերի իրական աճ, այլ կոռուպցիոն դեպքերի բացահայտման աճ»,- ասաց Խաչատրյանը՝ սա համարելով Հակակոռուպցիոն կոմիտեի գործունեության ցուցանիշ:

9 ամիսների կտրվածքով մեղադրական եզրակացությամբ դատարան է ուղարկվել 134 քրեական վարույթ՝ 286 անձի վերաբերյալ: Նախորդ տարվա նույն ժամանակահատվածում այդ թիվը եղել է 68՝ 166 անձի դիմաց: Այսինքն՝ այս տարվա 9 ամսում մեղադրական եզրակացությամբ դատարան ուղարկված վարույթների թիվը, նախորդ տարվա 9 ամիսների համեմատ, ավելացել է 66-ով կամ 97 տոկոս, իսկ դատի տրված անձանց թիվը՝ 120-ով կամ 72 տոկոսով: Ոչ ռեաբիլիտացիոն հիմքերով կարճվել է 25 վարույթ՝ 122 անձի նկատմամբ՝ նախորդ տարվա 11 վարույթ՝ 45 անձի դիմաց:

«Դատարան ուղարկված գործերով 286 անձանցից 52-ը մեղադրվել են կաշառք ստանալու, 117-ը՝ կաշառք տալու, 9-ը՝ կաշառքի միջնորդության համար, 14-ը մեղադրվել են պաշտոնական լիազորությունները չարաշահելու կամ անցնելու համար: 15-ը մեղադրվել են պաշտոնական կեղծիքի համար, 58-ը՝ պաշտոնական դիրքի օգտագործմամբ հափշտակության համար, 3-ը՝ փողերի լվացման, 18-ը կոռուպցիոն հանցանքներ կատարելու համար»,- ասաց Խաչատրյանը՝ այս ցուցանիշները համարելով աննախադեպ:

ՏԵՂԵԿԱՑՎԱՆՔ

ԹՄԲԱՄԻՋՈՑ Է ԻՐԱՅԻՐԵԼ

2023 թվականի սեպտեմբերի 19-ին՝ ժամը 22:30-ի սահմաններում, Հանրապետության հրապարակում Կառավարական տուն 1 հասցեի դիմաց կազմակերպված զանգվածային անկարգությունների մասնակից Մ.Ա.-ն քննությամբ դեռևս չպարզված հանգամանքներում ձեռք է բերել եւ իրացնելու նպատակով իր մոտ պահել 3,78 գրամ քաշով Մարիխուանա տեսակի թմրամիջոց:

Դատախազությունից «Ժողովուրդ» օրաթերթին հայտնում են, որ դատախազը 2023 սեպտեմբերի 20-ին Մ.Ա.-ի նկատմամբ հարուցել էր հանրային քրեական հետապնդում՝ Քրեական օրենսգրքի 393-րդ հոդվածի 1-ին մասով (իրացնելու նպատակով թմրամիջոց, հոգեմետ (հոգեներգործուն) նյութ, դրանց պատրաստուկ կամ դրանց համարժեք նյութ (անալոգ) կարգություններին մասնակցելու եւ զանգվածային անկարգություններ կատարելու հրապարակային կոչեր հնչեցնելու հոդվածներով, շարունակվում է:

կամ դրանց ածանցյալ ապօրինի արտադրելը, պատրաստելը, վերամշակելը, ձեռք բերելը, պահելը, տեղափոխելը, առաքելը, տարածելը, գովազդելը կամ դրանք ապօրինի իրացնելը կամ, մեկ ուրիշի դրամամբ, նրա համար թմրամիջոց, հոգեմետ (հոգեներգործուն) նյութ, դրանց պատրաստուկ կամ դրանց համարժեք նյութ (անալոգ) կամ դրանց ածանցյալ ապօրինի ձեռք բերելը):

2023 թվականի սեպտեմբերի 21-ին Մ.Ա.-ին ներկայացվել էր մեղադրանք: Նրա նկատմամբ, որպես խափանման միջոց, կիրառված է կալանքը:

Դատախազը 2023 թվականի հոկտեմբերի 30-ին հաստատել է Մ.Ա.-ի վերաբերյալ մեղադրական եզրակացությունը եւ վարույթի նյութերի հետ հանձնել էրեւան քաղաքի առաջին ատյանի ընդհանուր իրավասության դատարան:

Նշենք, որ 2023 թվականի սեպտեմբերի 19-ին հարուցված քրեական վարույթի նախաքննությունը՝ զանգվածային ան-

կարգություններին մասնակցելու եւ զանգվածային անկարգություններ կատարելու հրապարակային կոչեր հնչեցնելու հոդվածներով, շարունակվում է:

ԱՌԳՐԱՎԵԼ ԵՆ ՀՐԱՑԱՆԸ

Ուշագրավ դեպք է տեղի ունեցել Շիրակի մարզում:

«Ժողովուրդ» օրաթերթին հասած տեղեկությունների համաձայն՝ Ախուրյան բնակավայրի 13-ամյա անչափահաս տղան «Տիր» տեսակի հրացանով կրակել է գետնին, որի արդյունքում մետաղյա փամփուշտը հետ հարվածով դիպչել է 11-ամյա անչափահաս աղջիկ երեխայի կրծքավանդակի աջ մասին, որի հետեւանքով վնասվել է աղջիկ երեխայի թոքը:

11-ամյա աղջկա վիճակը ծանր է: Իրավապահները առգրավել են հրացանը:
ՔՆՍՈՒ ՄԱՆՈՒԿՅԱՆ

● Ըստ ոստիկանության տվյալների՝ հոկտեմբերի 30-ից 31-ը Հայաստանի Հանրապետությունում հայտնաբերվել են 1 անհետ կորած եւ 5 հետախուզվող: Կամավոր ներկայացել է 1 հետախուզվող:

ՀԱՍԱՐԱԿՈՒԹՅՈՒՆ

ՄԱՐԶ

ՃՈՒՐ
ՊԱՐԳԵՎԱՏՐՎՈՂ
ՄԱՐԶՊԵՏԸ

«Ժողովուրդ» օրաթերթը հոկտեմբերի 9-ին տեղեկատվական հարցում է ուղարկել վարչապետ Նիկոլ Փաշինյանի դասընկեր, նրա հարսանիքի քավոր, Նիկոլ Փաշինյանի որոշմամբ 2021թ. ապրիլի 8-ին Տավուշի մարզպետ նշանակված Հայկ Ղալումյանին: Մարզպետը գրավոր պատասխանել է, թե հարցմանը պատասխանելու համար լրացուցիչ աշխատանքի կարիք կա, հարցմանը կպատասխանի մեկամսյա ժամկետում: Այդ ժամանակահատվածն էլ, սակայն, բավարար չի եղել, որպեսզի նա լիարժեք պատասխանի հարցերին: Հոկտեմբերի 31-ին մարզպետարանից ստացել են հարցմանս կիսատ-պատասխան պատասխան: Տեղեկատվական հարցման մեջ, ի թիվս այլ հարցերի, հարցապնդում էինք արել՝ սեպտեմբերի 23-ից մինչև հոկտեմբերի 8-ը կայացած ուսուցիչների կամավոր ատեստավորմանը Տավուշի մարզի հանրակրթական դպրոցների քանի ուսուցիչ է մասնակցել, նրանցից քանիսը ինչ արդյունքներ է ունեցել: Մարզպետի պատասխանի մեջ նշված է. «Քանի որ Տավուշի մարզի հանրակրթական դպրոցների ուսուցիչները կամավոր ատեստավորմանն իրենք են հայտագրվում, հետևաբար մենք չունենք մասն տեղեկատվություն: Արդյունքների վերաբերյալ տեղեկատվություն կունենանք Նոյեմբերի սկզբին»: Մարզպետարանը համապատասխան նախարարությունների հետ միայն երկու ոլորտ է ղեկավարում՝ մարզի հանրակրթական դպրոցները և մարզի պետական առողջապահական հիմնարկները: Մարզպետը տեղյակ չէ 23 օր առաջ ավարտված տավուշի ուսուցիչների ատեստավորման արդյունքներից. այդ տվյալները նա կարող էր ստանալ ԿԳՄՍ նախարարությունից կամ իր իսկ ենթակայությամբ գործող հանրակրթական դպրոցների տնօրեններից: Նման վատ աշխատանքի համար այս տարվա ընթացիկ ժամանակաշրջանում մարզպետ Հ. Ղալումյանը եւ մարզպետարանի պաշտոնյաները աղքատ, վարկերի տակ կքած Հայաստանի պետական բյուջեից ավելի քան 56 միլիոն դրամ պարգևավճար են ստացել:

ՕԳՆՈՒԹՅՈՒՆ՝
ՌՈՒՄԱՍՏԱՆԻ
ՀԱՅԵՐԻՑ

Նոյեմբերյանի համայնքապետարանից հայտնում են, որ Արցախից տեղահանված, ներկայումս Նոյեմբերյան համայնքում բնակվող մեր հայրենակիցների՝ 3 եւ ավելի անչափահաս երեխաներ ունեցող 28 ընտանիքների՝ 150.000-ական դրամ, 6 եւ ավելի անչափահաս երեխաներ ունեցող 2 ընտանիքների 300.000-ական դրամ աջակցություն է ցուցաբերել Ռուսաստանի Կրասնոդարի երկրամասի հայերի միությունը: Վերջերս Ռուսաստանի Տուլա քաղաքի հայ համայնքի բարերարությամբ Արցախից բռնի տեղահանված եւ Նոյեմբերյան համայնքում վերաբնակեցված՝ չորս եւ ավելի երեխաներ ունեցող 20 ընտանիքների տրվեց հարյուր հազարական դրամ օգնություն:
ՈՍՎԻՆ ՍԱՐԳՅԱՆ
Տավուշ

ԻՆՉՈՒ

ԾԱՌԱՅՈՂԱԿԱՆ ՄԵՔԵՆԱՆԵՐԻՆ ԱՎԵԼԱՑԵԼ ԵՆ

Մի Եւրո մարմինների բյուջեները նախատեսվում են վարչապետի աշխատակազմի սոդոլ. դրամք են սեռական մարմինները, ՄՍ գրասենյակը, Բողոքաբանության գրասենյակը, սեռական մարմինների համակարգման գրասենյակը, Մարզու իրավունքների եվրոպական ներկայացուցչի գրասենյակը, Սփյուռքի գործերով գլխավոր հանձնակատարի գրասենյակը: «Ժողովուրդ» օրաթերթի հաղորդմամբ՝ այս մասին նոյեմբերի 1-ին ԱԺ-ում լրագրողների հետ զրույցում նեցեց Կառավարության աշխատակազմի ղեկավարի տեղակալ Արմենակ Խաչատրյանը՝ անդրադառնալով նրան, որ 2024թ.-ի բյուջեով վարչապետի աշխատակազմի ծախսերն ավելացվել են:



«Այսինքն՝ այդ 24,5 մլրդ. դրամը նախատեսված է այս բոլոր մարմինների գործունեության ապահովման համար», - ասաց նա:
«Ժողովուրդ» օրաթերթի փոխանցմամբ՝ խոսելով ծառայողական ավտոմեքենաների կրճատումից՝ Արմենակ Խաչատրյանը ասաց, որ դա կառավարության ստանձնած հանձնառությունն է, որը հստակ քայլ առ քայլ առաջ է գնում:
«Ինչ վերաբերում է վարչապետի աշխատակազմի ծառայողական ավտոմեքենաների թվի կրճատմանը, ես այս պահին կոնկրետ թիվը չեմ հիշի, բայց անցած տարի 70 կամ ավելի մեքենաներից հիմա 40 ավտոմեքենա կա վարչապետի աշխատակազմում: Ընդ որում՝ այդ 40-ի մեջ միայն ծառայողական մեքենաներ չեն. այնտեղ կան նաեւ ավտոբուսներ, որոշակի տրանսպորտային միջոցներ: Կոնկրետ ծառայողական ավտոմեքենաները, այնպիսին, ինչպիսին դուք եք հասկանում, վարչապետի աշխատակազմի բաղնախոցում վարչապետին սպասարկող մեքենան է, փոխվարչապետներին սպասարկող մեքենաներն են, վարչապետի աշխատակազմի ղեկավարին սպասարկող մեքենան է, ԱԺ քարտուղարին սպասարկող մեքենան է, նախկին նախա-

զահներին սպասարկող մեքենաներն են: Մնացածը հերթապահ սպասարկող ավտոմեքենաներ են, որոնցից, ըստ անհրաժեշտության, օգտվում են աշխատակազմի բոլոր աշխատակիցները, այդ թվում էս:
Օրինակ՝ այսօր ես եւ իմ գործընկերները համապատասխան զեկուցագրի հիման վրա մեզ տրամադրված մեքենայով եկել ենք ԱԺ եւ այստեղից գնալու ենք վարչապետի աշխատակազմ: Ես այդ մեքենայով տուն չեմ գնում, տնից աշխատանքի չեմ գնում», - ասաց նա:
Հարցին, թե արդյոք Նիկոլ Փաշինյանին սպասարկող ուղեկցող մեքենաների թիվը 10-ով ավելացել է, Արմենակ Խաչատրյանը պատասխանեց. «Ոչ, չի ավելացել 10-ով: Ես գիտեմ՝ այդ հարցը որտեղից է գալիս, կառավարության 1666 որոշման մասին է խոսքը: Մենք այդ որոշմամբ հստակ սահմանափակել ենք ծառայողական ավտոմեքենաների օգտագործումը: Այսինքն՝ կառավարության որոշումով սահմանափակվել է, թե որքան են ծառայողական ավտոմեքենաները:
Դա նոր որոշում է, նախկինում չի եղել, որ ասում եք՝ 10-ով ավելանում է: Բոլոր

մարմինների համար նախատեսված է յուրաքանչյուր 100 աշխատողի կտրվածքով մեկ սպասարկող կամ հերթապահ ավտոմեքենա: Հաշվի առնելով, որ վարչապետի աշխատակազմում կա առանձնահատկություն, այսինքն՝ վարչապետի այցերն են կազմակերպվում, օրինակ՝ մարզ այցելության ժամանակ կոնկրետ աշխատակազմ պետք է վարչապետի հետ գործուղվի, ապա այդ դեպքում վարչապետի աշխատակազմը անհրաժեշտություն ունի որոշակի տարբերվող թվաքանակով մեքենաներ ունենալու:
Բայց այդ 10 մեքենաները մտնում են իմ նշած 40 ավտոմեքենաների մեջ, որը անցած տարի է նվազեցվել, դարձել 40: Հաջորդ տարի այս թիվը կամ կմնա նույնը, կամ կկրճատվի: Նորից եմ ասում՝ դրանք ծառայողական ավտոմեքենաներ չեն, որքան կոնկրետ անձի համար նախատեսված չեն, բխում են որոշակի գործառնությունից:
Հարցին, թե արդյոք վարչապետի աշխատակազմին սպասարկող նաեւ հեծանիվ կա, Արմենակ Խաչատրյանը արձագանքեց. «Ես համարեմ, որ չեմ լսել ձեր հարցը»:

ՆԱԽԱԳԻԾ

ՀԱՏԿԱՑՎԵՑ ՊԵՏԲՈՒՋԵԻՑ

Հայաստանի նախագահի աշխատակազմի համար 2024 թվականի դեկտեմբերի բյուջեի նախագծով հասկացվել է 1 միլիարդ 771 միլիոն 663 հազար դրամ, ինչը 3 միլիոն 34 հազար դրամով ավելի է՝ 2023 թվականի համեմատ: «Ժողովուրդ» օրաթերթի հաղորդմամբ՝ Ազգային ժողովի մեծակամ հանձնաժողովների համառոտ նիստում «Հայաստանի Հանրապետության 2024 թվականի դեկտեմբերի բյուջեի մասին» ՀՀ օրենքի նախագծի ֆինանսման ժամանակ այս մասին ասաց Հանրապետության նախագահի աշխատակազմի ղեկավարի տեղակալ Խաչատրյանը:

րությունը կազմում է 3 միլիոն 34 հազար դրամ, որը պայմանավորված է քաղաքացիական ծառայողների աշխատանքային ստաժի հետ կապված աշխատավարձի բնականոն աճով եւ աշխատակազմի համար նոր ցանցային սարքավորումների եւ հեռահաղորդակցության համակարգի ձեռքբերմամբ: Հին համակարգը շահագործվում է ավելի քան 25 տարի, տեխնիկապես մաշված վիճակում է եւ աշխատում է անընդհատ խափանումներով, իսկ վերանորոգման ծախսերը բացարձակապես անարդյունավետ կլինեն: Նոր ցանցային սարքավորումների եւ հեռահաղորդակցման համակարգի շնորհիվ կբարձրանա նախագահի աշխատակազմի գործունեության, ինչպես նաեւ պետական մարմինների, քաղաքացիների ու լրատվամիջոցների հետ փոխգործակցության որակն ու արդյունավետությունը»,- նշեց Պողոսյանը:
Նրա խոսքով՝ 2024 թվականի աշխատակազմի համար նախատեսված բյուջեի շուրջ 95,16 տոկոս նախատեսված է

հանրապետության նախագահի գործունեության եւ ներկայացուցչականության ապահովման միջոցառման համար, իսկ 4,84 տոկոսը՝ նախագահի աշխատակազմի տեխնիկական հագեցվածության բարելավման համար:
2024 թվականի պետական բյուջեի նախագծի քննարկման ժամանակ խորհրդարանական հանձնաժողովների համատեղ նիստում ՀՀ ֆինանսների նախարար Վահե Հովհաննիսյանը հայտարարեց, որ Հայաստանի պետական վերահսկողական ծառայության կարիքները հոգալու համար 2024 թվականին պետական բյուջեից նախատեսվում է հատկացնել 956 մլն դրամ:
Սա, ըստ նրա, 477 մլն դրամով պակաս է 2023 թվականի հատկացումից:
«Կապիտալ ծախսերը կկազմեն ընդամենը 4 մլն 693 հազար դրամ: Մնացած միջոցները կուղղվեն ընթացիկ ծախսերին», - ասաց Հովհաննիսյանը: Բաժինը պետք է իրականացնի ընդամենը 1 ծրագիր՝ 3 գործունեությամբ:

● Նախկինում կատարված հանցագործություններից բացահայտվել է կողոպուտի 2, մարմնական վնասվածք պատճառելու, խարդախության եւ ավտոմեքենայի գողության՝ 1-ական դեպք:

ՀԱՄԵՐԳ

ՄՆՈՒՓ ԴՈՒՔԸ՝ ԿԵՆՍԱԿԱՆ ԱՆՂՐԱԺԵՇՏՈՒԹՅՈՒՆ

Վարչապետի աշխատակազմի ղեկավարի տեղակալ Արմենակ Խաչատրյանը չի կարող ասել, թե կոնկրետ երբ տեղի կունենա ամերիկացի հայտնի ռեփեր Մնուփ Դոգի (Snoop Dogg) համերգը Երևանում, որը նախատեսված էր սեպտեմբերի 23-ին, սակայն հետաձգվել է:

«Ես հիմա չեմ կարող կոնկրետ օր նշել, բայց ամեն ինչ արվում է, որ գա», - Աժ-ում լրագրողների հետ զրույցում ասաց նա:

Հարցին՝ ինչու է դա մեկ անձից գնումով իրականացվել, կամ եթե դրամաշնորհ է հայտարարում կառավարությունը, ինչու բաց մրցույթ չի հայտարարվում, Արմենակ Խաչատրյանը պատասխանեց. «Կոնկրետ այս դեպքում շատ կոնկրետ առանձնահատկություն կա: Կոնկրետ կազմակերպությունը պայմանավորվածություն է ձեռք բերել արտիստի հետ, ջանք էր գործադրել, որից հետո դիմել էր կառավարությանը աջակցության խնդրանքով: Կառավարությունն էլ որոշել էր չմերժել»:

Լրագրողի հարցին՝ կենսական էր արդյոք այդ համերգը կազմակերպել սոցիալական այս ծանր իրավիճակում, Խաչատրյանը պատասխանեց. «Ցանկացած միջոցառում, որ կառավարությունը նախատեսել է անել, այո»:

Ի դեպ, հարցին անդրադարձել էր նաև Աժ նախագահ Ալեն Սիմոնյանը: Նա ասել էր՝ եթե Մնուփ Դոգի գալիքը համերգը տեղի ունենա, այն պետք է լինի բաց բոլորի համար:

Հիշեցնենք, որ «Ժողովուրդ» օրաթերթը գրել էր, որ դեռևս սեպտեմբերի 23-ին «Հրազդան» մարզադաշտում պետք է կայանար Մնուփ Դոգի երեանյան համերգը, որի համար պետքույց էր հատկացվել էր 6 միլիոն դոլար: Նախատեսված համերգից օրեր առաջ՝ սեպտեմբերի 19-ին, Արթուրյանը սանձազերծեց հերթական անմարդկային գործողություններն Արցախի ու արցախցիների դեմ: Արցախահայությունը ստիպված էր



բռնի կերպով լքել իր հայրենիքը, ավելի ուշ էլ՝ սեպտեմբերի 28-ին, Սամվել Ծախրամյանը ստորագրեց մի փաստաթղթի տակ, համաձայն որի՝ Արցախի Հանրապետությունը հունվարի 1-ից այլևս գոյություն չի ունենա:

Այս ամենի ֆոնին անհանգստության ու մտահոգության ալիք էր բարձրացրել Մնուփ Դոգի երեանյան համերգը: Մարդիկ պահանջում էին չեղարկել այն: Համերգը կազմակերպող ընկերությունը՝ «Դոպինգ Սիթյու»-ը, հանդես եկավ հայտարարությամբ, որից պարզ դարձավ, որ համերգը հետաձգվում է անորոշ ժամկետով:

Ավելի ուշ հայտնի դարձավ, որ ռեփերը գումարն ամբողջությամբ ստացել է, բայց կգա եւ «անվճար» կերպի, երբ ազատ օրեր ունենա իր գրաֆիկում:

Այս տեղեկությունից հետո բոլորին համակցեց տեաական լուրությունը. կարծես Հայաստանի պետքույց էր, որ հսկայական գումար է հատկացվել միջոցառման համար, որն այդպես էլ չկայացավ, եւ դեռ հարց է՝ կկայանա, թե ոչ:

«Ժողովուրդ» օրաթերթի տեղեկություններով՝ այս պահին էլ բանակցություններ են ընթանում Մնուփ Դոգի հետ համերգի կայացման համար, սակայն թե ինչ արդյունքներ կտան այդ բանակցությունները, անհայտ է:

«Ժողովուրդ» օրաթերթը կապ հաստատեց համերգը կազմակերպող ընկերության՝ «Դոպինգ Սիթյու»-ի հիմնադիր Հայկ Սիմոնյանի հետ՝ պարզելու համար, թե արդյոք կա հստակեցում այս մասով. «Առաջիկայում հանդես կգանք հայտարարությամբ, այս պահին ոչինչ հստակ ասել չեմ կարող»:

ՍՊՈՐՏ

ԱՐԺԱՆԻ ԷՐ ՈՍԿԵ ԳՆԴԱԿԻ

Աշխարհի չեմպիոն, «Ոսկե գնդակի» դափնեկիր, 62-ամյա գերմանացի Լոտար Մատտուսը աշխարհի չեմպիոն Արգենտինայի հավաքականի եւ ամերիկյան «Ինտեր Մայամի» 36-ամյա հարձակվող Լինդեյ Մեսիին արժանի չի համարում «Ոսկե գնդակին» 2022-2023 թվականների մրցաշրջանի արդյունքում:

«Ամբողջ մրցաշրջանի ընթացքում Էրիկնոգ Հոլանդը շատ ավելի լավ էր, քան Մեսին: Այս անգամ էլ ապացուցվեց, որ հարձակվող աշխարհի առաջնությունում կարելի է մնացած ամեն ինչից:

Նախորդ 12 ամիսներին Հոլանդից ավելի լավ ոչ ոք չի եղել, եւ նա էր արժանի «Ոսկե գնդակին»: Նա «Սիթի» հետ նվաճեց կարելի տիտղոսներ, սահմանեց Պրեմիեր լիգայի ռեկորդ գոլերի քանակով: Մեսիի հարձակվող ֆարս է, թե եւ միշտ եղել էմ Լեոյի ֆանատը»,- Մատտուսի խոսքը մեջբերում է Football Italia-ն:

Մեսին 8-րդ անգամ արժանացավ աշխարհի լավագույն ֆուտբոլիստի մրցանակին:

ՌՈՆԱԼԴՈՒՆ ԱՐՉԱԳԱՆՔԵՑ

«Ալ Նասրի» 38-ամյա պորտուգալացի հարձակվող Կրիշտիանու Ռոնալդուն սոցիալական ցանցերում արած գրառումով արձագանքել է Սաուդյան Արաբիայի թագավորի գավաթի խաղարկության 1/8 եզրափակիչում տարած հարձակվող:

«Հրաշալի թիմային ոգի: Մեր երկրպագուների անհավանական աջակցությունն օգնեց պայքարել մինչեւ վերջ»,- գրել է Ռոնալդուն:

«Ալ Նասրը» սենգալցի հարձակվող Սադիո Մանեի գոլի շնորհիվ լրացուցիչ ժամանակում 1:0 հաշվով հաղթել էր «Ալ Իթիֆակին» եւ դուրս եկել քառորդ եզրափակիչ:

ՉԻ ԿԱՐՈՂ ՎՃԱՐԵԼ

Իսպանիայի չեմպիոն «Բարսելոնան» հաջորդ ամռանը կփորձի համաձայնության հասնել Մադրիդի «Աթլետիկոյի» հետ պորտուգալացի հարձակվող Ժաու ֆելիշի վարձակալության պայմանագիրը եւս մեկ մրցաշրջանով երկարաձգելու հարցում. հարդորդում է Sport Espana-ն:

«Բարսելոնան» ֆելիշի տրանսֆերը ձեռք բերելու ցանկություն ունի, սակայն «Աթլետիկոն» պահանջում է առնվազն 80 միլիոն եվրո, ինչի հնարավորությունը կատալոնական ակումբը հիմա չունի: Ֆելիշի վարձակալության պայմանագիրը նախատեսված է մինչեւ այս մրցաշրջանի ավարտը:

Ութնամյա մրցաշրջանում ֆելիշը իսպանացի Չավիի գլխավորած թիմի հետ մասնակցել է 11 հանդիպման, խփել 3 գոլ, կատարել 4 գոլային փոխանցում:

ԱՆՈՐԱԴԱՐՁ

ՆԵՐԿԱՅԱՅՐԵՑ ՊԱՏՄՈՒԹՅՈՒՆԸ

Սիրուշոն ներկայացրել է արծաթյա գարդերի իր բրենդի՝ PreGomesի նոր գոտիների հավաքածուն, ու ներկայացրել հերոսուհու պատմությունը:

Նա գրել է, որ գովազդային հոլովակում նկարահանված Լիլիան ծնվել է մեծացել է Արցախում: «Նա իր 2 ամսական որդուն՝ Մոնթեին գրկած 40 ժամ դժվարություններով լի ճանապարհ է անցել՝ թողնելով իր տունը: Նրա աչքերում պայքար է, ցավ, բայց նրան կոտրել հնարավոր չէ»,- հավելել է երգչուհին:

Տեսանյութը նկարել է Գեորգի Ալեքսանյանը, որը Ստեփանակերտից է: «Ինքն իր մեջ պայքարում է այն մտքի հետ, որ տուն՝ Ստեփանակերտ, այլևս չի կարողանալու գնալ,- պատմել է Սիրուշոն: -Լիլին թե՛ գարդ, թե՛ երգ, այն, ինչ ստեղծում եմ, հենց այսպիսի մարդկանց մասին է՝ հայի այս տեսակից ոգեշնչված, որը որքան էլ ջղայնացած եւ հիասթափված, բայց շարունակում է լավը ստեղծել եւ առաջ մղվել»:

ԿՅՈՒՑԱԳՐՎԻ ՆՅՈՒ ՅՈՐՔՈՒՄ

Հայ կինոյի հիմնադիր Համո Բեկևազյանի «Խառ Փուշ» ֆիլմը, որը նկարահանվել է 1928 թվականին, 35 մմ ժապավենային տարբերակով Լոյսեմբերի 3-ին եւ 13-ին կցուցադրվի Նյու Յորքի ժամանակակից արվեստի թանգարանում (MoMa):

«Ժողովուրդ» օրաթերթի հաղորդմամբ՝ այս մասին հայտնում է Հայաստանի ազգային կինոկենտրոնը:

Կինոկենտրոնը MoMa-ի հետ համագործակցության արդյունքում ցուցադրության նպատակով թանգարանին է տրամադրել իր արխիվում պահվող ֆիլմի ժապավենը:

«Խառ Փուշ»-ը հայկական երկրորդ ֆիլմն է, որ ցուցադրվելու է աշխարհի հեղինակավոր թանգարաններից մեկում: Առաջինը ռեժիսոր Սերգեյ Փարաջանովի «Հակոբ Հովնաթանյան» (1967թ.) վերականգնված ֆիլմի նոր 35 մմ ժապավենային տարբերակն էր, որը ցուցադրվել է 2021 թվականի հունվարին: Ֆիլմի մեկ օրինակը պահպանության է հանձնվել

Նյու Յորքի ժամանակակից արվեստի թանգարանին:

ԳՏԵՎՈՒՄ ԷՐ ՀԱՅԱՍՏԱՆՈՒՄ

Ռուսաստանաբնակ վիզաժիստ Գոհար Ավետիսյանն այս օրերին գտնվում էր Հայաստանում: Նա եկել էր այստեղ՝ նշելու քրոջ՝ Նունիկի ծննդյան տարեդարձը:

Շնորհանքով հետո Գոհարը մեկնել է Նաե Գեղարքունիքի մարզ՝ իր ծննդավայր: Ինստագրամյան իր էջի «Սթորի» բաժնում Սեանա լճից հրապարակելով լուսանկար՝ կից գրել է. «Բոլորին բարե... իմ սիրելի՛ Սեան»:

Հաջորդիվ հրապարակելով տեսանյութ՝ գրել է. «Երեւանում ինքս ինձ ընթրիքի էի հրավիրել, հաջորդ օրը՝ ճաշի, ինքս իմ մտքերի հետ: Առաջ մտածում էի, որ կյանքում երբեք չեմ կարողանա հաճույքով ինչ-որ բան միայնակ անել: Տարիների հետ հասկանում ես, որ կարող եմ»:

Հավելենք նաեւ, որ երեկ Գոհարն արդեն հետ վերադարձավ:

Մ. Ղ.

● Նոյեմբերի 3-ին Հ. Պարոնյանի անվան երաժշտական կոմպոզիտորի պետական թատրոնում տեղի կունենա «Գիշատիչների խնջույքը» ներկայացումը: Տոմսերի արժեքը՝ 4000 դրամ: Սկիզբը՝ ժամը 20:00-ին:



Էջը՝ ՄԱՐԻԱՍ ՂԱԶԱՐՅԱՆԻ

ԲՈՂՈՔ

ՀԱՐՑ. Ինչպե՞ս բողոքել հյուպատոսական բաժնի աշխատակիցների վերաբերմունքի կամ դիմումի հանձնման գործընթացի դեմ:

Էրիկ Շնավոյան (33 տարեկան)



ՊԱՏԱՍԽԱՆ. Շենգեն-վիզայի համար դիմող անձինք պատուհանի մոտ սպասարկման առնչությամբ հյուպատոսական բաժնի աշխատակիցների վերաբերմունքի կամ դիմումի հանձնման գործընթացի վերաբերյալ իրենց բողոքները կարող են ներկայացնել կոնսուլտային ձեռնարկում որպես հասցեատեր ընտրել Beschwerde zum Schengen-Visum-Verfahren տարբերակը: Ընդ որում՝ խնդրում ենք նկատի ունենալ, որ բողոքները կարող են ներկայացվել միայն գերմաներեն կամ անգլերեն: Այլ լեզուներով ներկայացված բողոքները չեն կարող քննության առնվել: Այլ հարցերով բողոքները չեն կարող քննության առնվել Նշված էլ-փոստի հասցեի միջոցով: Խնդրում ենք կոնսուլտային ձեռնարկի Betreff («Առնչություն») դաշտում Նշել հետևյալ տարբերակը:

«Բողոք վիզայի դիմումներն ընդունելիս կամ հեռախոսային խորհրդատվության ընթացքում աշխատակիցների ցուցաբերած վարքի վերաբերյալ»:

ՀՀ-ում Գերմանիայի դեսպանատուն

«ԺՈՂՈՎՈՒՐԳ». Բողոքների համար նախատեսված կոնսուլտային ձեռնարկները նախատեսված չեն վիզա չտրամադրելու, վիզան չեղյալ համարելու կամ անվավեր ճանաչելու վերաբերյալ որոշումների դեմ բողոքարկումներ (ռեմոնստրացիա) ներկայացնելու համար:

ԿՐԹՈՒԹՅՈՒՆ

ՀԱՐՑ. Եթե երեխայի ավագ եղբայրը կամ փույր հաճախում են սվյալ դպրոց, ապա նրան որե՞տ արժանություն սրվո՞ւմ է:

Սովետ Երիցյան (40 տարեկան)



ՊԱՏԱՍԽԱՆ. «Հանրակրթության մասին» ՀՀ օրենքի 28-րդ հոդվածի առաջին մասի առաջին կետի համաձայն՝ ցանկացած ծնող իրավունք ունի երեխայի ուսուցման համար ընտրելու ուսումնական հաստատությունը եւ կրթության ձեւը: Հետեւաբար, որեւէ չափանիշ՝ ներառյալ բնակավայրին կամ աշխատանքի վայրին մոտ գտնվելու կամ տվյալ դպրոց հաճախող քույր կամ եղբայր ունենալու փաստը, չի կարող որեւէ երեխայի գրանցման համար առաջնահերթություն ապահովել:

ՀՀ ԿԳՄՄ

«ԺՈՂՈՎՈՒՐԳ». Եթե ցանկանում եք, որ Ձեր երեխան սովորի հենց Ձեր նախընտրած դպրոցում, ապա հարկավոր է հնարավորինս շուտ գրանցվել առցանց համակարգի միջոցով, քանի դեռ տվյալ դպրոցի համար սահմանված տեղերը չեն սպառվել:

ԼՈՒՐ ԿԱԴՐ

Լուսանկարն արվել է Երեւանում



Շուրջ մեկ ամիս է՝ Բրազիլիայի հրապարակի՝ Հրագրան մարզադաշտի հարակից տարածքում դիտահորը վնասվել է, ջուրը հոսում է, մեքենաներն էլ, հատկապես՝ գիշերային ժամերին, ցածր տեսանելիության պայմաններում վնասվում են: Պարբերաբար վնասված այս դիտահորի շրջակայքում տարբեր առարկաներ են դրվում որպես զգուշացում: Ի սկզբանե հատուկ ժապավեն էր, ավելի ուշ՝ մեքենաների անվադողեր:

Քաղաքացիները «Ժողովուրդ» օրաթերթի խմբագրություն են դիմում ահազանգով, որ պարբերաբար փորձել են կապ հաստատել եւ լուծում պահանջել քաղաքապետարանից, Զրմուղից, սակայն ապարդյուն:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել Նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ
քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+3 + 8 +12 + 16	Արարատ	+9 + 12 +22 + 24
Կոտայքի լեռներ	+4 + 8 +12 + 16	Արմավիր	+8 + 10 +21 + 23
Կոտայքի նախալեռներ	+9 + 11 +16 + 20	Վայոց ձորի լեռներ	+4 + 6 +12 + 15
Գեղարքունիք	+3 + 7 +8 + 13	Վայոց ձորի նախալեռներ	+8 + 11 +21 + 23
Լոռի	+8 + 13 +18 + 23	Սյունիքի հովիտներ	+14 + 18 +21 + 25
Տավուշ	+10 + 15 +20 + 25	Սյունիքի նախալեռներ	+7 + 12 +17 + 21
Արագածոտնի լեռներ	+3 + 6 +9 + 13	ԼՂՀ	+9 + 12 +23 + 25
Արագածոտնի նախալեռներ	+7 + 10 +18 + 21	Երեւան	+9 + 11 +22 + 24

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 1.11.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեքենաներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: